



## Tranzicija vlasnika rudarskih operacija

U prethodnom periodu odlukom koja signalizira iskorak prema integraciji i razvoju, Adriatic Metals BH je potpisao Sporazum o nagodbi i raskidu ugovora s rudarskim izvođačem Nova Mining and Construction d.o.o (Nova), preuzimajući potpunu kontrolu nad operacijama rudnika Rupice. Ova strateška odluka predstavlja važnu prekretnicu na razvojnom putu kompanije.

Očekuje se da će tranzicija u velikoj mjeri doprinijeti smanjenju troškova, povećanoj učinkovitosti i poticanju dugoročnog održivog razvoja. Optimizacija operacija predstavlja stabilnost, a Adriatic Metals BH je posvećen prepoznavanju i vrednovanju svakog pojedinačnog doprinosu i uspostavljenih partnerskih odnosa.



Kao samostalni operater rudnika na Rupicama, Adriatic Metals BH potvrđuje svoju opredijeljenost za izvrsnost, inovacije i odgovorno upravljanje. Kao važan segment navedene odluke je i podrška stanovništvu lokalne zajednice, tačnije uposlenicima Nove Mining, koji će svoj poslovni put nastaviti u kompaniji Adriatic Metals BH. Ovim činom Adriatic Metals BH potvrđuje svoju društvenu odgovornost i usklađenost s potrebama i težnjama zajednice.

# OČUVANJE PRIRODE KROZ PARTNERSTVO:

## Kompanija Adriatic Metals BH i Šumarija Vareš zajedno u akciji pošumljavanja

U skladu s posvećenošću očuvanju prirode i promociji ekološke odgovornosti, tokom mjeseca aprila i maja, kompanija Adriatic Metals BH je u partnerstvu sa Šumarijom Vareš realizirala izuzetno značajne akcije pošumljavanja.

Posvećenost kompanije očuvanju okoline manifestirala se kroz ovu inicijativu, koja je rezultirala zasadnjivanjem impresivnih 10.500 sadnica na područjima sela Vlahinje (Općina Breza), Vardišta i Kadarića (Općina Vareš). **Ova akcija pošumljavanja će se nastaviti u jesen 2024. godine, a cilj je zasaditi ukupno 15.000 sadnica.** Važno je istaći da su se zaposlenici iz različitih sektora kompanije Adriatic Metals BH aktivno angažirali u ovim pošumljavanjima i vrijedno radili na ostvarivanju zajedničkog cilja - očuvanje životne sredine.

Njihovo prisustvo i angažman su od ključnog značaja u ostvarivanju vizije zdravje i održivije budućnosti. Zdrava okolina je vitalni resurs koji se mora sačuvati za buduće generacije, a kroz akcije poput ove, kompanija aktivno doprinosi tom cilju. Kompanija Adriatic Metals BH ostaje posvećena principima ekološke osvještenosti i kontinuiranoj podršci projektima koji su usmjereni ka očuvanju prirodnih bogatstava.



# SVJETSKI DAN ZDRAVLJA:

## "ZDRAVLJE PRVO, ZDRAV NAČIN ŽIVOTA"



Povodom Svjetskog dana zdravlja, koji se svake godine obilježava 7. aprila, kompanija Adriatic Metals BH je organizirala predavanje na temu "["Zdravlje prvo, zdrav način života"](#)".

U prostorijama velike sale Općine Vareš, Dr. Muamer Berkovač, specijalista porodične medicine, prisutnima je govorio o prevenciji kroničnih bolesti i uticaju životnog stila na opće zdravstveno stanje pojedinca.

Dr. Berkovac je posebno naglasio kako naši životni izbori, uključujući prehranu, tjelesnu aktivnost i upravljanje stresom, značajno utiču na pojavu zdravstvenih stanja poput pretilosti, dijabetesa, bolesti srca, depresije i anksioznosti. Ipak, usvajanjem manjih prilagodbi u svakodnevnim navikama, možemo poboljšati svoje blagostanje i smanjiti rizik od različitih zdravstvenih problema. Osiguravanjem pristupa kvalitetnim zdravstvenim edukacijama, Adriatic Metals BH nastavlja promovirati zdravje i zdrave životne izvore, u cilju unapređenja zdravstvenog statusa zajednice u cijelini.



# ODRŽANA SEDMA SJEDNICA ODBORA ZA ODNOSE S LOKALNOM ZAJEDNICOM

U sali Općine Vareš, dana 23.05.2024., održana je sedma sjednica Odbora za odnose s lokalnom zajednicom kompanije Adriatic Metals BH. Na sjednici su razmijenjene ključne informacije o trenutnim projektnim aktivnostima i budućim planovima. U fokusu sjednice bila je informacija o tranziciji vlasnika rudarskih operacija, odnosno, predstavljanje Adriatic Metals BH kao samostalnog operatera rudnika Rupice. Također, predstavljeno je i pokretanje inicijative za uspostavljanje četverogodišnjeg, rudarsko-tehničkog smjera u MSŠ "Nordbat 2", kako bi se osiguralo kvalitetnije obrazovanje za mlade koji žele graditi karijere u rudarstvu. Podijeljena je i informacija o implementaciji zdravstvenih projekata u lokalnoj zajednici i najavljena organizacija besplatnog mamografskog pregleda za 50 žena iz lokalne zajednice. Govoreći o tehničkim aspektima projekta, uposlenici kompanije naglasili su da je u toku testiranje određenih pogona za preradu, kao i da se radi na optimizaciji procesa, izbušeno je 5700 m istražnih bušotina na Rupicama i otvorena je laboratorija za analizu uzoraka na Tisovcima. Još jedna uspješna sjednica Odbora za odnose s lokalnom zajednicom dokazuje kako dobra komunikacija gradi temelje za uspješnu suradnju i kreira trajne pozitivne promjene u društvu.



## BESPLATAN MAMOGRAFSKI PREGLED ZA ŽENE



U prostorijama Radničkog doma, 25. maja 2024. godine, u Varešu je održan značajan zdravstveni događaj na kojem je učestvovalo 50 žena. Tom prilikom su urađeni besplatni mamografski snimci za 50 žena, što je ključni korak u prevenciji raka dojke. Događaj je finansiran od strane organizacije ThinkPink, koja se zalaže za podizanje svijesti i prevenciju raka dojke.

Uspješna realizacija događaja ostvarena je uz podršku udruženja "Život" iz Zenice, koje je svojim angažmanom doprinijelo organizaciji. Kompanija Adriatic Metals BH aktivno je radila na informisanju žena, osiguravajući njihov dolazak i učešće na događaju. Zahvaljujući zajedničkim naporima ThinkPink organizacije, udruženja "Život", kompanije Adriatic Metals BH i predsjedavajuće Općinskog vijeća Vareš, Mahire Brkić ovaj događaj je uspješno realizovan.

# LIVING HISTORY PROJECT

Jasna Mirčić

Prije svega da Vas pozdravim i zahvalim što ste pristali na intervju u sklopu projekta „Living History Project“ kompanije Adriatic Metals BH.

## Za početak recite nam nešto više o sebi.

Ja želim Vama da se zahvalim, jer ste me odabrali za razgovor. Zovem se Jasna Mirčić, živim na selu Pržiči, općina Vareš. Svoj radni vijek sam provela u ugostiteljstvu, a sada sam umirovljenica. Majka sam troje djece, predsjednica mjesne zajednice Pržiči, već drugi mandat, i aktivno se bavim promocijom i očuvanjem kultume baštine ovog kraja.

## Osnivačica ste Etnološkog muzeja na Pržičima, kako je počela priča o muzeju?

Da, Etnološki muzej je osnovan prije 14 godina, sasvim slučajno. Stanovnici sela Mir slavili su jubilarni, deseti susret Mirjana, a doktor Goran Grabovac i ja smo došli na ideju da za tu priliku opremimo jednu sobu u etno stilu u podrumskim prostorijama Doma za kulturu. Prostorije smo očistili i izložili nekoliko predmeta koje smo imali. U početku je to bio stari kredenac, nekoliko posuda unutar kredenca, krevet, jastuci, ponjava, sinija. Nakon toga smo krenuli s prikupljanjem drugih eksponata, poljoprivrednog, kovačkog alata, pribora i slično. Ubrzo su svi u selu saznali za našu ideju i pridružili se inicijativi.

## Prikupljanje, obrada i prezentacija muzejske građe zahtjeva ogroman trud i posvećenost, da li ste imali podršku i od koga?

Svoju ljubav i strast prema kulturnoj baštini sam prenijela na sve mještane Pržiča i okolnih sela, stoga je njihova podrška i najznačajnija. Zatim, podršku pri osiguravanju prostora za muzej smo dobili od Općine Vareš, odnosno, načelnika Fatića i načelnika Maroševića. Prof. Dr. Mario Katić, s Odjela za etnologiju i antropologiju Sveučilišta u Zadru, nam je u suradnji sa svojim studentima uradio katalogizaciju muzejske građe. Mnogi su dali svoj doprinos u skladu sa svojim mogućnostima.

**Javnosti prezentirate materijalnu, kulturnu baštinu ovoga kraja, o kojem razdoblju je riječ i koliko eksponata broji Vaša zbirka?**

Riječ je o vremenskom razdoblju koji seže stotinama godina unatrag. Recimo, imamo čakšire, tkane konopljom, stare 300 godina. Cjelokupna zbirka broji otprilike 2000 eksponata.



## Svaki eksponat ima svoju priču, koji je Vama najdraži i zašto?

Ne bih mogla izdvijati jedan eksponat, ali ja strahovito volim i najviše me fasciniraju narodne nošnje.

## Rudnik olova, cinka i barita također je dio, ne tako davne, prošlosti ovog kraja, da li su neki od eksponata iz tog vremenskog razdoblja dio Vaše zbirke?

Nažalost nisu, jedino nekoliko fotografija.

**Kompanija Adriatic Metals BH je u martu otvorila rudnik, kakva su Vaša očekivanja i očekivanja zajednice?**

Ono što mi je važno i na čemu ću uvijek insistirati je zaštita okoliša i ljudi, kako čuvate sebe, tako želim da čuvate i nas.

## Kako biste opisali dosadašnju suradnju s kompanijom Adriatic Metals BH?

Od samog početka smo imali dobru komunikaciju i podržavam vaše aktivnosti. Naravno, bilo je nesuglasica, različitih stajališta, ali smo ih uspješno rješavali. Mi, kao zajednica, smo otvoreni za suradnju, a ja, kao predstavnik zajednice, sam vam uvijek na raspolaganju.

**Pored aktivnog angažmana na očuvanje kulturne baštine, predsjednica ste i mjesne zajednice Pržiči. Koja su to pitanja kojima se svakodnevno bavite?**

Različita su pitanja kojima se bavimo u mjesnoj zajednici, najviše se odnose na infrastrukturu, izgradnju i rekonstrukciju puteva, rekonstrukciju i održavanje zajedničkih objekata, itd. Ponekad je zahtjevno jer zajednica ima očekivanja, koja nisu uvijek u skladu s mogućnostima i ovlastima koje predsjednici mjesnih zajednica imaju. Moram napomenuti da i naša dijaspora snažno podržava zajednicu. Na kraju, dragi mi je da i pored svih izazova uspijemo odvojiti vrijeme i za druženja.

## Da li u otvaranju rudnika vidite priliku da se Vareš razvija i napreduje?

Naravno, napredak je već primjetan. Drugačija je atmosfera, ljudi pozitivnije i s puno nade gledaju na budućnost.

## Što biste poručili mlađim ljudima koji tek počinju graditi svoje karijere?

Ne znam, ja bih voljela da se svi vratre kući, ali nije fer da im ja šaljem takvu poruku s obzirom na to da su sva moja djeca u inozemstvu i svoje živote grade daleko od Vareša. Stoga, u širem smislu, želim im poručiti da vjeruju u sebe, rade, budu vrijedni, a mi smo tu da ih podržimo.

**Hvala Vam na izdvojenom vremenu.  
Hvala Vama.**

